



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2017. GODINU NOVOG POKRETA BOSNE I HERCEGOVINE

Broj: 03-07-6-496/18
Sarajevo, 17. maj 2019. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole.....	4
Cilj pregleda i kontrole	4
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka je izvršila pregled godišnjeg finansijskog izvještaja Novog pokreta Bosne i Hercegovine za 2017. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskog izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2017. godinu, utvrđeno je da je Novi pokret Bosne i Hercegovine prekršio odredbe člana 12. stav (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornjih napomena, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Novog pokreta Bosne i Hercegovine za 2017. godinu.

Pregled i kontrola finansijskih izvještaja provedeni su u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Novi pokret Bosne i Hercegovine se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	2.050,80	100,00
8.	Prihodi od propagande (3-g)	0,00	0,00
I	Ukupni prihodi (1-8)	2.050,80	100,00
II	Ostali prihodi i drugo	0,00	0,00
	Izvori finansiranja (I+II)	2.050,80	100,00

U godišnjem finansijskom izvještaju stranka je iskazala rashode u ukupnom iznosu od 380,20 KM.

2. PREDSTAVLJANJE POLITIČKE STRANKE

Naziv političke stranke je Novi pokret Bosne i Hercegovine. Skraćeni naziv je Novi pokret BiH.

Novi pokret Bosne i Hercegovine je registrovan kod Općinskog suda u Sarajevu Rješenjem broj: 065-0-F1-12-000011 od 25.04.2012. godine, sa sjedištem u Sarajevu, ulica Tvornička 3.

Lice ovlašteno za zastupanje stranke je Enes Zeković, predsjednik.

Lice ovlašteno za podnošenje finansijskih izvještaja za 2017. godinu je Enes Zeković.

U godišnjem finansijskom izvještaju za 2016. godinu, Novi pokret Bosne i Hercegovine je konstatovao da ima organizacione dijelove nižeg nivoa, ali je u okviru organizacione strukture naveo samo Kantonalni odbor Sarajevo.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Novog pokreta Bosne i Hercegovine za 2017. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Novog pokreta Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskim izvještajima sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta.

4. PRETHODNE KONTROLE I REVIZIJE

Služba za reviziju je izvršila pregled godišnjih finansijskih izvještaja Novog pokreta Bosne i Hercegovine u periodu od 2012. do 2016. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon zvršenog pregleda godišnjeg finansijskog izvještaja za 2016. godinu, izdat izvještaj o pregledu sa mišljenjem revizora, nalazima i preporukama stranci da finansijske izvještaje podnosi u zakonom propisanim rokovima i formi koju je Centralna izborna komisija BiH propisala svojim podzakonskim aktima, odnosno Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2017. godinu, utvrđeno je da Novi pokret Bosne i Hercegovine nije ispoštovao preporuke revizije.

5. NALAZI I PREPORUKE

5.1. NALAZI

Novi pokret Bosne i Hercegovine nije postupio u skladu sa odredbama člana 12. stav (4) Zakona o finansiranju političkih stranaka¹.

(1) Politička stranka finansijski izvještaj nije podnijela u zakonom propisanom roku i na način kako je propisala Centralna izborna komisija BiH.

- Godišnji finansijski izvještaj, koji je ručno popunjen, stranka je Centralnoj izbornoj komisiji BiH dostavila 09.05.2018. godine, iako je rok za podnošenje izvještaja bio 31.03.2018. godine.

U skladu sa odredbama člana 12. stav (4) Zakona o finansiranju političkih stranaka i člana 3. stav (1) Pravilnika o godišnjim finansijskim izvještajima političkih stranaka, godišnji finansijski izvještaj stranka je bila obavezna podnijeti u zakonom propisanom roku u elektronskoj formi putem aplikacije „FI CIK BIH” i Centralnoj izbornoj komisiji BiH dostaviti potvrdu o podnesenom finansijskom izvještaju u elektronskoj formi, skupa sa obrascima finansijskog izvještaja, odštampanim iz aplikacije u PDF formatu, ovjerenim potpisom ovlaštenog lica i pečatom političke stranke.

- Centralna izborna komisija BiH se, putem Urgencije, broj: 03-07-6-153-4/17 od 03.05.2018. godine, obratila političkoj stranci da u skladu sa odredbom iz člana 14. stav (3) Zakona o finansiranju političkih stranaka, dobrovoljno postupi, te finansijski izvještaj podnese na propisani način.

- Novi pokret Bosne i Hercegovine je djelimično postupio po urgenciji, u aplikaciju „FI CIK BIH” unio podatke, te Centralnoj izbornoj komisiji BiH 21.06.2018. godine dostavio obrasce finansijskog izvještaja, odštampane iz aplikacije u PDF formatu, koji nisu ovjerenim potpisom ovlaštenog lica i pečatom političke stranke. Uz sve navedeno, politička stranka nije dostavila potvrdu o podnesenom finansijskom izvještaju u elektronskoj formi.

- U toku pregleda finansijskog izvještaja, Služba za reviziju se ponovo obratila političkoj stranci sa zahtjevom za dostavu dodatne finansijske dokumentacije i ponovo zatražila da obrasce

¹ U skladu sa odredbom iz člana 12. stav (4) Zakona, politička stranka podnosi finansijski izvještaj do 31.03. naredne godine u formi koju je propisala Centralna izborna komisija Bosne i Hercegovine.

finansijskog izvještaja ovjeri potpisom ovlaštenog lica i pečatom političke stranke, te dostavi potvrdu o podnesenom izvještaju, kako bio se utvrdilo da je isti podnesen od strane ovlaštene osobe.

- Novi pokret Bosne i Hercegovine je dodatnu finansijsku dokumentaciju dostavio u skladu sa zahtjevom Službe za reviziju, dok je ovjerene obrasce finansijskog izvještaja, skupa sa potvrdom o njegovom podnošenju, Centralnoj izbornoj komisiji BiH dostavio 31.12.2018. godine.
- (2) U finansijskom izvještaju, koji je podnio Centralnoj izbornoj komisiji BiH, Novi pokret Bosne i Hercegovine je u okviru organizacione strukture naveo samo Kantonalni odbor Sarajevo. Međutim, stranka je ostvarila prihod iz budžeta Bosansko-Podrinjskog kantona, što ukazuje na činjenicu da stranka ima organizacioni dio u navedenom kantonu.

Obzirom da nije prijavio sve organizacione dijelove, Novi pokret Bosne i Hercegovine je prekršio odredbe člana 12. stav (4) Zakona o finansiranju političkih stranaka i odredbe člana 10. Pravilnika o godišnjim finansijskim izvještajima političkih stranaka.

5.2. PREPORUKE

Preporučuje se Novom pokretu Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da finansijske izvještaje podnosi u zakonom propisanim rokovima i formi koju je Centralna izborna komisija BiH propisala svojim podzakonskim aktima, odnosno Pravilnikom o godišnjim finansijskim izvještajima političkih stranaka.*

KOMENTAR

Politička stranka se nije očitovala na nalaze revizije navedene u Preliminarnom izvještaju o pregledu godišnjeg finansijskog izvještaja za 2017. godinu.

Pomoćnik revizora

Mr.sc. Goran Cicović

Šef Službe za reviziju, revizor

Mr. sc. Hasida Gušić